

**“O‘zavtosanoat” AJ tomonidan O‘zbekiston Respublikasi Prezidentining 2025-yil 30-yanvardagi “O‘zbekiston–2030” strategiyasini “Atrof-muhitni asrash va yashil iqtisodiyot” yili doirasida amalga oshirishga oid davlat dasturi to‘g‘risida”gi PF–16-sonli Farmoni ijrosi bo‘yicha
MA’LUMOT**

T/r	Topshiriq mazmuni	Ijroga mas’ul vazirlik, idora	Ijro muddati	Amaliy chora-tadbirlar ijro holati
1.	33-band. Belgilab qo‘yilsinki: Davlat dasturini so‘zsiz, sifatli va to‘liq amalga oshirish barcha darajadagi davlat organlari va tashkilotlarining birinchi navbatdagi ustuvor vazifasi hisoblanadi; davlat organlari va tashkilotlari rahbarlari Davlat dasturida har chorak kesimida tegishli yo‘nalish va hudud bo‘yicha belgilangan maqsadli ko‘rsatkichlarga erishish, nazarda tutilgan chora-tadbirlarni samarali amalga oshirish va zarur normativ-huquqiy hujjatlar loyihalarini o‘z vaqtida va puxta ishlab chiqish uchun shaxsan javobgar bo‘ladi.	Barcha vazirlik va idoralar	Doimiy tarzda	“O‘zavtosanoat” AJning 2025-yil 20-fevraldagi 17-030-sonli buyrug‘iga muvofiq, “O‘zbekiston–2030” strategiyasini “Atrof-muhitni asrash va yashil iqtisodiyot” yili doirasida amalga oshirishga oid Davlat dasturini so‘zsiz, sifatli va to‘liq amalga oshirish barcha tarkibiy bo‘linma boshliqlari va tizim korxona rahbarlarining ustuvor vazifasi qilib belgilandi. Shuningdek, dasturda belgilangan topshiriqlar va maqsadli ko‘rsatkichlarga erishishda mas’ul xodimlar shaxsan javobgar etib belgilandi.
2.	4-ilova, 44-band. Mahalliy ishlab chiqaruvchilar tomonidan jamoat transporti ehtiyojlari uchun transport	“O‘zavtosanoat” AJ	2025-yil yakuniga qadar	Bugungi kunda “SamAuto” MChJ QQ ishlab chiqarish quvvatlarida uzunligi 7–9 metr bo‘lgan 3 xil rusumdagi avtobuslar ishlab chiqarilmoqda (LF60, HD50, HC45).

T/r	Topshiriq mazmuni	Ijroga mas'ul vazirlik, idora	Ijro muddati	Amaliy chora-tadbirlar ijro holati
	vositalari ishlab chiqarishni yo'lga qo'yish. Mexanizm: Respublikamizda elektrobus, avtobus va mikroavtobuslar ishlab chiqarish imkoniyatlarini o'rganib, mahalliy tadbirkorlar va to'g'ridan-to'g'ri xorijiy investitsiyalar jalb qilish hisobiga ishlab chiqarishni yo'lga qo'yish loyihalarini boshlash.	Investitsiyalar, sanoat va savdo vazirligi O'zbekiston Texnik jihatdan tartibga solish agentligi Andijon viloyati va Toshkent shahar hokimligi		Shu bilan birga, ayni paytda gaz va elektrda (elektrobus) ishlaydigan 9 metrlik past polli shahar avtobuslarini ishlab chiqarish bo'yicha ishlar olib borilmoqda. 2024 yilning IV choragida ushbu avtobuslarning prototiplari ishlab chiqildi. Hozirgi kunda validatsiya sinovlari o'tkazilmoqda. Sertifikatlashtirish sinovlarining qariyb 40 foizi yakunlandi. Seriyali ishlab chiqarishni o'zlashtirish uchun texnologik uskunalar joriy yilning may oyida yetkazib berilishi kutilmoqda. Seriyali ishlab chiqarishni 2025-yilning II yarmida boshlash rejalashtirilgan.
3.	4-ilova. 61.1-band, 61.2-band, 61.3-band. Sinov laboratoriyalar bazasini rivojlantirish bo'yicha investitsiyalarni keng jalb qilish. Mexanizmlar: 1.Quyosh panellari, sovitgich va muzlatkichlar hamda qishloq xo'jaligi texnikalari ag'darish burchagi sinovini amalga oshiruvchi zamonaviy sinov laboratoriyalari mavjud rivojlangan davlatlar tajribasini o'rganish va hamkorlikni yo'lga qo'yish.	O'zbekiston Texnik jihatdan tartibga solish agentligi “O‘zavtosanoat” AJ “O‘zeltexsanoat” uyushmasi manfaatdor vazirlik va idoralar	2025-yil davomida	Qishloq xo'jaligi texnikalarining xavfsizlik talablariga muvofiqligini ta'minlash, ularni xalqaro standartlarga mos ravishda sinovdan o'tkazish tizimini takomillashtirish maqsadida, texnikalarni ag'darish burchagi bo'yicha sinov o'tkazishga ixtisoslashgan xorijiy laboratoriyalar faoliyati o'rganilmoqda. Mazkur tahlil jarayonida ilg'or texnologiyalarga ega, tajribali va xalqaro akkreditatsiyadan o'tgan laboratoriyalar bilan hamkorlik imkoniyatlari ko'rib chiqilmoqda. O'rganish yakunida texnik va iqtisodiy jihatdan maqbul deb topilgan xorijiy laboratoriya tanlanadi.

T/r	Topshiriq mazmuni	Ijroga mas'ul vazirlik, idora	Ijro muddati	Amaliy chora-tadbirlar ijro holati
	2.Mazkur laboratoriyalarni respublikada tashkil etish uchun talab etiladigan uskunalar ro'yxatini shakllantirish. 3.Quyosh panellari, sovitgich va muzlatkichlar hamda qishloq xo'jaligi texnikalari ag'darish burchagi sinovini amalga oshiruvchi zamonaviy sinov laboratoriyalarini tashkil etish.			Shundan so'ng, tanlangan xorijiy hamkor bilan hamkorlikda O'zbekiston Respublikasida ekspluatatsiya qilinayotgan turdagi qishloq xo'jaligi texnikalariga mos, zamonaviy va xalqaro talablarga javob beruvchi sinov uskunalari ro'yxati shakllantiriladi. Ushbu ro'yxat asosida mamlakatimizda sinov laboratoriya infratuzilmasini rivojlantirish bo'yicha aniq chora-tadbirlar ishlab chiqiladi.